

Broj: 01-02/2-3029/24 SK/MS  
Sarajevo, 19.01.2025. godine

**BOSNA I HERCEGOVINA  
FEDERACIJA BOSNE I HERCEGOVINE**

**PARLAMENT FEDERACIJE  
PREDSTAVNIČKI DOM**

n/r gđin Dragan Mioković, predsjedavajući  
n/r gđa Sanel Kajan, poslanik

**VLADA FEDERACIJE BOSNE I HERCEGOVINE**  
n/r gđa Edita Kalajdžić, sekretar Vlade FBiH

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno:	21-01-2025		
Org. jed.	Broj	Priloga	Vrijednost
05/1	-02-	637	124

**Predmet:** Odgovor na poslaničko pitanje, **dostavlja se-**

**Veza:** Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-637/24 od 11.12.2024. godine i akt sekretara Vlade Federacije Bosne i Hercegovine, broj: 03-04-1660-3/2024 od 16.12.2024. godine

Poštovani,

aktima broj i datum veze, Federalnom ministarstvu rada i socijalne politike dostavljen je upit Sanela Kajana, poslanika u Predstavničkom domu Parlamenta Federacije Bosne i Hercegovine koji se odnosi na pitanja neusklađivanja kantonalnih propisa iz oblasti zaštite civilnih žrtava rata sa Zakonom o zaštiti civilnih žrtava rata u Federaciji Bosne i Hercegovine („Službene novine Federacije BiH“ broj: 60/23 - u daljnjem tekstu: Zakon). U vezi navedenog dajemo sljedeće izjašnjenje:

Prema odredbama člana III.2.e/ i člana III.3.(1) i (2) Ustava Federacije Bosne i Hercegovine, federalna vlast i kantoni su zajednički nadležni za socijalnu politiku (u koju oblast spada i zaštita osoba sa invaliditetom). Članom III.2.e/, u vezi sa članom III.3.(3). Ustava Federacije Bosne i Hercegovine, utvrđeno je da, federalna vlast ima pravo utvrđivati politiku i donositi zakone koji se tiču socijalne politike. Kantoni u ovoj oblasti imaju pravo utvrđivati politiku i provoditi zakone (član III.3. (4)), kao i provoditi socijalnu politiku i uspostavljati službe socijalne zaštite (član III.4.)).

Postupajući po navedenoj ovlasti Federacija Bosne i Hercegovine je donijela predmetni Zakon koji je unaprijeđen u odnosu na bivši Zakon o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ br. 36/99, 54/04, 39/06, 14/09, 45/16, 40/18 i 16/23), između ostalog, i po, među prvima u svijetu, prepoznavanju djece rođene iz čina ratnog silovanja.



U partnerstvu Federalnog ministarstva rada i socijalne politike i TRIAL International-Ureda u BiH organizovan je okrugli stol s ciljem adresiranja dosadašnjeg procesa implementacije kao i identifikacije izazova u implementaciji Zakona, na kojem su pored organizatora, prisustvovali predstavnici Centara za socijalni rad Srednjobosanskog kantona, Tuzlanskog kantona, Kantona Sarajevo, Bosansko-podrinjskog kantona kao i udruženja preživjelih tj. korisnika Zakona. U toku diskusije, iznesena su različita iskustva u primjeni Zakona, pa je tako Centar za socijalni rad Tuzla istakao pozitivne primjere, naročito kroz pripremu više od 300 rješenja koja će biti dostavljena u isto vrijeme, dok iskustva iz Srednjobosanskog kantona su drugačija obzirom da, kako je naglašeno, centri za socijalni rad imaju izražen nedostatak komunikacije sa kantonanim ministarstvom što usporava izdavanje rješenja i rad sa korisnicima. Također, primjećeno je da je pitanje dopunskih prava nejednako regulisano, pa je kao negativan primjer naveden Kanton Sarajevo, ali i u drugim kantonima situacija je slična.

Na okruglom stolu usvojene su, između ostalog, i određene preporuke, tj. da je:

- potrebno ojačati komunikaciju na relaciji svih aktera uključenih u proces implementacije Zakona, kako od općinskog, kantonalnog i federalnog nivoa tako i organizacija civilnog društva koja rade na ovim pitanjima,
- potrebno je donijeti podzakonske akte na nižim nivoima usmjerene ka implementaciji prava predviđenih Zakonom.

Na kraju, ističemo da će Federalno ministarstvo rada i socijalne politike nastaviti i dalje aktivno raditi na komunikaciji sa nižim nivoima vlasti kroz davanje instrukcija ili tumačenja odredbi Zakona, ali kako je članom 56. utvrđena obaveza nadležnih tijela kantona, da u roku od šest mjeseci od dana stupanja na snagu zakona, usklade svoje propise iz oblasti zaštite civilnih žrtava rata sa odredbama ovog Zakona, a ustavna obaveza kantona je, između ostalog, i da provode zakone, ovo pitanje se odnosi i potrebno ga je adresirati kantonalnim skupštinama i vladama kako bi postupili u skladu sa obavezama utvrđenim u navedenom članu Zakona.

Federalno ministarstvo rada i socijalne politike će u okviru sastanaka ministarske koordinacije aktuelizirati postupanje kantonalnih organa vlasti u skladu sa obavezama koje kantoni imaju po ovom Zakonu.

S poštovanjem,



**Dostaviti:**

- Naslovu
- a/a